



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



Արեւսաճ Ա  
Խեղագար Միշակ



Քիճիկ 1909.



1372

ԱՆՔՈՍՆԻՔ ԱՅԼԵՆԵՆ

# ԽԵԼԱԳԱՐ ՄԻՆԱՍ

ՊԵՏ ԻՐ ԿՈՐԺՈՂՈՒԹԵԱՐԻ




Խ Ի Ք Ի Ս

«ՊՐՈՖԵՍՍ» ԸՆԿ. | Типография Т-ва «ПРОФЕССЬ»  
Владимирская, 7.

1909

ԽԵԼԱԳՐԻՔ  
Ա-13



« Զեպարի » արգոյ ԽՍՀՄ Գրող Բիւրօ

Ա.Լ.ՔԱՆԱԿԻ ԱՌԻՆԵՆԷ



# ԽԵԼԱԳԱՐ ՄԻՆԱՍ

ԳԻՒՍ ՄԻ ԳՈՐԾՈՂՈՒԹԵՆԵՐԲ



Թ Ի Ը Լ Ի Ս

Տպարան «ՊՐՕԳՐԵՍՍ» Ընկ. | Типография Т-ва «ПРОГРЕССЪ»

Вельяминовская, 7.

1909

1520

Настоящая піеса подъ загл. «Сумашедшіи Минась»  
разрѣшена г. Главнначальствующимъ для пред-  
ставленія на сцѣнахъ края, марта 30-го дня 1902 г.  
Тифлисъ.



### Գ Ո Ր Ծ Ո Ղ Ա Ն Ձ Ի Ն Ք

ՄԻՆԱՍ	հարուստ վաճառական . . . . .	60 տ
ՂՈՒԿԱՍ	նրա եղբայրը . . . . .	55 »
ԹՈՄԱՍ	նոյն . . . . .	50 »
ԳԱՅԻԱՆԷ	նրա կինը . . . . .	50 »
ՕՀԱՆ	նրա ծառան . . . . .	25 »

Անցքը տեղի է ունենում Թիֆլիզում 1900 թ.



Շքեղ առանձնասենեակ. մէջտեղ եւ աջ դռներ:  
Չախ կողմը պատուհան. սրա առաջ մեծ գրասեղանը վրան թանաքաման, գրիչ, համրիչ, մի թերթ գրած թուղթ. տակին զամբիւղ: Աթոռներ,  
գորգ, պատկերներ եւայլն:

## Տ Ե Ս Ի Լ 1.

### Գ Ա Յ Ի Ա Ն Է և Օ Հ Ա Ն

ԳԱՅԻԱՆԷ (սեղանի մօտ նստած լաց է լինում).—  
Ի՞նչ պատահեց քեզ, Մինաս. ինչո՞ւ խելագարվեցիր, օրս սևացրիր:

ՕՀԱՆ.—Աղջիկ պարոն, մարդ է՛ գժվել է. էլի խելքի կըգայ, հերիք փշացնես էդ նախշուն աչքերդ:

ԳԱՅԻԱՆԷ.—Ախար ի՞նչ պատահեց նրան, Օհան:

ՕՀԱՆ.—Ես իմ կարճ խելքովս այնպէս եմ կարծում, որ փողի շատութիւնից է:

ԳԱՅԻԱՆԷ.—Ի՞նչ ես յիմար փիլիսոփայութիւններ անում:

ՕՀԱՆ.—Ասենք թէ՛ մի կողմից ես հասկանում եմ քո միտքը.—այսինքն թէ՛ աւելի լու է շուտ անի ոտքերը ձգի, դու էլ աղատվես:

ԳԱՅԻԱՆԷ.—Լիբր, անպիտան, ինչե՞ր ես բարբառնջում...

ՕՀԱՆ.—Ի՞նչ է, աղջիկ պարոն. ի՞նչդ կը պակ-  
սի: Ես լինեմ քո տեղ, մազի չափ էլ հող չեմ ա-  
նիլ: Աստուած վկայ: Հէնց որ մեռաւ, մի էնպէսի  
առօք-փառօք թաղում սարքենք, որ ինքն էլ զար-  
մանայ:

ԳԱՅԻԱՆԷ.—Չե՞ս պապանձվելու, անամօթ,  
անդգամ:

ՕՀԱՆ.—Ախար հարուստ մարդը մեռնելու  
կնիկը ինչո՞ւ պիտի լաց լինի: Ի՞նչ է, հացդ էր  
պակաս լինելու, թէ՞ ջուրդ: Փառք Աստուծոյ, էնքան  
փող ունէք, որ հաշիւն էլ չէք իմանում: Ասենք  
թէ՛ էդ պօլիտիկան հարկաւոր բան է. չէ՞ որ տես-  
նողների աչքը պէտք է քոռացնել: Ժամի դռնում  
մի փոքր կը ճղճղաս, երեսդ կը ճանկոտես, սուտ-  
սուտ ուշագնաց կը լինես, ես էլ մի բաժակ սառ  
ջուր կածեմ կոկորդդ ու պրծաւ:

ԳԱՅԻԱՆԷ.—Աւանակ, անպիտան:

ՕՀԱՆ.—Մի ամսից յետոյ էլ սե շորերդ կը  
քցես մի կողմ ու մի լաւ ստուգենտի կը գնաս:

ԳԱՅԻԱՆԷ.—Հողեմ դիժ գլուխդ:

ՕՀԱՆ.—Ի՞նչ է, կարծում ես չե՞ն ուզիլ. դու  
մէկ փողի անուն տուր, տես ինչպէս կը թափվեն  
ոտքերիդ:

ԳԱՅԻԱՆԷ.—Այդպէս խելօք ես, ինչո՞ւ հօրդ  
մեռնելու մօրդ նոյն խորհուրդը չտուիր:

ՕՀԱՆ.—Էդ ի՞նչ խօսք է, աղջիկ պարոն: Մենք  
սրտեղ, դուք սրտեղ: Հայրս տրեխները ծակ, գը-

դակի բամբակը դուրս եկած մեռաւ. մենք քիչ  
մնաց քաղցած կոտորվէինք:

ԳԱՅԻԱՆԷ.— Թող քո մայրդ էլ մարդու գը-  
նար էլի:

ՕՀԱՆ.— Օժիտը շատ էր, տանը մնաց:

ԳԱՅԻԱՆԷ.— Ինչքան էր:

ՕՀԱՆ.— Ութ:

ԳԱՅԻԱՆԷ.— Ութ ի՞նչ:

ՕՀԱՆ.— Ութ լակոտ, ութն էլ աղտոտ: է՛հ,  
աղջիկ պարոն, դո՛ւ մի լաց լինիլ, թող ի՛նքը լաց  
լինի, որ աշխատածը չկարողացաւ ուտել, որ կա-  
պէկի համար հողին էր դուրս գալիս:

ԳԱՅԻԱՆԷ.— Չայնդ կտրիր, յիմար, անըզ-  
գամ...

ՕՀԱՆ.— Հը՛, դէ ես մեղայ Աստծոյ, լաց ե-  
ղիր, տեսնեմ լացով լորի կեփովի, թէ ոչ:

ԳԱՅԻԱՆԷ.— Օ՛ֆ, ճշմարիտ ես ասում. գնամ  
տեսնեմ գլխիս ինչ ճար եմ տեսնում: Գու նրան  
լաւ նայիր, Օհան. քո վարձը չի կորչիլ մեզ վրա.  
մի վախիլ, նա քեզ չի ծեծիլ: (Գնաց լալով, միջի  
դռնով):

## Տ Ե Ս Ի Լ 2.

### ՕՀԱՆ և ՄԻՆԱՍ

ՕՀԱՆ (մենակ).— Հը՛մ, հեշտ է ասելը գժից մի  
վախիլ: Կեանքումս մէկ օձից կը վախենամ, մէկ  
մութ գիշեր տկլոր պառաւից, մէկ էլ խելագարից:

Դէ գժից չվախենամ, հէնց կերթամ դոկտոր կը դառնամ էլի: Չեմ խմանում, էդ ինչո՞ւ էդպէս փչացաւ աշխարհը: Սրանից առաջ մէկ գժի համբաւը լսելուս քսան վերստից էինք վազում տեսնելու, հիմի հօ ո՞ր կողմ պտտես, մի խելքը գլխի մարդու չես հանդիպիլ: Խեղճս աղջիկ պարոնիս է գալիս. բարի կնիկ է. օրական պրօվիզիի փողից որ 2 մանէթ էլ խփում եմ, բանի տեղ չի քցում:

ՄԻՆԱՍ (ներսից).—Օհան, Օհան:

ՕՀԱՆ (փախաւ միջի դռան մէջ).—Գալիս է: Տէր, դու ինձ անօգնական չթողնես:

ՄԻՆԱՍ.—Օհան, Օհան: (Եկաւ աջ դռնով հագին խալաթ, գլխին սպիտակ շոր կապած): Որտե՞ղ ես կորել:

ՕՀԱՆ.—էստեղ եմ, պարոն, էստեղ:

ՄԻՆԱՍ.—Մօտ եկ, բան եմ ասում:

ՕՀԱՆ.—Գիտեմ ինչ ես ասում... բայց էլ քոր եկող տեղ չես թողել:

ՄԻՆԱՍ.—Մօտ եկ, ասում եմ. բան ունեմ ասելու: (Նստեց սեղանի մօտ):

ՕՀԱՆ.—Ա՛յ, էդ ինձ դուր եկաւ. նստիր քեզ համար, ինչքան կուզես՝ խօսի՛ր, հն՝ խօսիր: Փառք Աստծոյ, ես էլ մօրից խուլ չեմ ծնվել. ականջներըս սրած մեծ օխորժակով քեզ ականջ եմ դնում. տակից-գլխից դուրս տուր տեսնենք:

ՄԻՆԱՍ.—Ես զաղտնիք ունեմ քեզ յայտնեսնելու. ուրիշը չպէտք է լսի:

ՕՀԱՆ.—Էստեղ ոչոք չկայ. էդ աչքիդ է երևում. խօսիր ինչքան կուզես:

ՄԻՆԱՍ (քիչ-քիչ բարկանալով).— Ասում եմ քեզ յայտնելու գաղտնիք ունեմ:

ՕՀԱՆ.—Պահիր գաղտնիքդ աղջիկ պարոնիդ համար: Ես քո ի՞նչն եմ որ:

ՄԻՆԱՍ.— Իմ հացս չես ուտում:

ՕՀԱՆ.—Շատ էլ. որ շան նման չչարչարվեմ, ինձ հաց կը տաս:

ՄԻՆԱՍ.—Ձեռ ուզում լսել գաղտնիքս:

ՕՀԱՆ.—Ախար գիժն ի՞նչ է, որ նրա գաղտնիքը ինչ լինի: Պարոն, ընտանիքի տէր ես, Պարիժ կարգացող տղերք ունես, արի վեշիդ քարը դէն թափիր, լսելքի եկ: Էն սուրբ մեռոնը վկայ, գժուժիւնը մարդու հաց չի տալ: Խեղճս է գալիս քեզ. օր ծերութեան ոտք ու ձեռքդ կը կապոտեն, կողքածաղերիդ էնքան ճիպոտ կը տան, որ թան լակած շան նման օխտ օր կը մոմոաս:

ՄԻՆԱՍ.—Խելքիդ զօռ մի անիլ. մօտ եկ ասում եմ:

ՕՀԱՆ.—Ձեմ գալ: Երէկ էլ բռնել ես կատաղած շան նման ուսերս կծոտել: Ինչո՞ւ: Ճոթոտած մուշտակ ես գտել ինձ, թէ՞ ինձ մայր չի ծնել: Ախար ամօթ ու յարգն էլ մի լաւ բան է է: Էդ է քանի օր է էս սլրիշակը ի՞նչ ես գժանոց շինել: Ախար 15 տարեկան գիմնադիստ չես, որ ասեմ դասերդ չես իմանում, կամ սիրահարվել ես: Ախար մեծ մարդ ես, մին ինքդ քեզ մտածիր, ա-

լարմունքիցդ ամաչիր: Էդ ինչի՞ ես նման: Խելքը  
գլխին մարդը ինչի՞ պիտի գժվի: Ի՞նչ ես մտա-  
ծել, որ գժվել ես: Հասակի՞դ կը սաղէր, թէ՞ փո-  
րըդ է քաղցած:

ՄԻՆԱՍ.—Տօ, ի՞նչ ես յիմար-յիմար գլխիս  
շարական կարդում:

ՕՀԱՆ.—Ուրիշ հարուստների կնանիքը զուգ-  
ված-զարդարված, ուխտնէխներին ներկեր քսած,  
երիտասարդների ետևից են ման գալիս, իսկ իմ  
խեղճ ջրատար տիկինս, աչքերը լացից կար-  
մըրած, սատանայ բռնող պառուների դռներն է  
ճարտարում: Գոնէ մէկ նրան էլ է խղճայիր:

ՄԻՆԱՍ.— Իմ խելագարվելուս պատճառը  
գաղտնիք է... լսում ե՞ս:

ՕՀԱՆ.— Ինչպէ՞ս չէ. հէնց էդ է, որ հաւա-  
տացինք:

ՄԻՆԱՍ.— Ասում եմ հաւատան, որ սա կեղծ  
է և շինծու:

ՕՀԱՆ.— Ձէ, էլ ինձ խաբել չես կարող:

ՄԻՆԱՍ.— Ես քեզ ասում եմ գաղտնիքը  
պարզ է... Մ՛օտ եկ... Տօ, ի՞նչ ես որսկան շան  
նման ականջներից խլշել:

ՕՀԱՆ.— Ապա, եթէ ճշմարիտ է ասածդ, մէկ  
երգվիր:

ՄԻՆԱՍ.— Երգվում եմ առաջի Աստծոյ:

ՕՀԱՆ.— Ապա, եթէ սուտ-սուտ էիր գժվել,  
ինչո՞ւ էիր դորթ-դորթ կծուտում:



ՄԻՆԱՍ.—Դէ հիմա հօ տեսնում ես, որ մէջ տեղ ուրիշ գաղտնիք է եղել:

ՕՀԱՆ.—Ուսերիս միսը քաղցր էր, հա: Չէ, կը ներեա. էլ կատաղած գազանի ոէխ տալու միս չունենք... բաւական է:

ՄԻՆԱՍ.—Ուրեմն դու ինձ չես հաւատում: Այ, տեսնում ես այս թուղթը. ինձ հարկաւոր է, որ եղբայրներս սրա տակ ստորագրեն, ուրիշ ոչինչ:

ՕՀԱՆ.—Ապա, մարդ Աստուծոյ, էդպէս ցուրանի համար էլ մարդ կը գժվի: Եթէ փորացաւդ հէնց էդ էր, ինձ ասէիր, ես բանը գլուխ բերէի:

ՄԻՆԱՍ.—Ի՞նչ պիտի անէիր:

ՕՀԱՆ.—Ի՞նչ պիտի անէի. կը բերէի ականջիս կեղտից կը քցէի նրանց գինիի բաժակի մէջ, շան նման կը հարբեցնէի ու թուղթը կը դնէի առաջներին:

ՄԻՆԱՍ.—Դատարկ բան ես ասում: Դու շուտ արա, գնա նրանց կանչիր:

ՕՀԱՆ.—Իսկ եթէ գործ դնէինք աղաչանք-պաղատանք, մէջտեղ մեծ մարդ քցէինք կամ տէրտէր...

ՄԻՆԱՍ.—Նրանք մեծի պատիւը ի՞նչ են հասկանում:

ՕՀԱՆ.—էն ժամանակ կը սեղմէինք սրտներին մի-մի Մաուզէրի հրացան:

ՄԻՆԱՍ.—Նրանք վախեցող գազաններ չեն:

ՕՀԱՆ.—Չէի՞նք կարող գտնել մի վարպետ

մարդ, որ ձեռքը նմանեցնէր նրանց ձեռքին, կամ թէ առաջ մի մաքուր թղթի տակ ստորագրել տալինք նրանց, յետոյ վերևում գրէիր՝ ինչ որ քեզ պէտք էր:

ՄԻՆԱՍ.— Բանը մի ուշացնիլ, գննա:

ՕՀԱՆ.— Ի՞նչ տաս մարդ վարձեմ երկուսին էլ շան սատակ անել տամ: Շատ չեն վերցնիլ... հիմա մարդու կեանքի գինը մի սոխի գին է:

ՄԻՆԱՍ.— Այդ ինձ պէտք չէ:

ՕՀԱՆ.— Կարելի է գերի փախցնել տալ ու թուղթը դնել առաջներին:

ՄԻՆԱՍ.— Փնւ, բաւական է ասում եմ: Նախ երդվիր, որ ոչոքի ոչինչ չես ասիլ, ոչ կնոջս, ոչ ոքի:

ՕՀԱՆ.— Կերդվեմ, ինչո՞ւ չեմ երդվիլ. քրիստոնեայ չեմ... հոգիս էլ դուրս կը գայ ու կերդվեմ... դու միամիտ կնոց. այ, իմ նշանածի սուրբ երեսին ոչ արժանի լինեմ, եթէ մէկին ասեմ: Բայց, պարոն, գժերը երբեմն խելօքից էլ իմաստուն են խօսում. ապա դո՞ւ էլ երդում կեր, որ ինձ ձեռք չես քցում:

ՄԻՆԱՍ.— Երդվում եմ:

ՕՀԱՆ.— Ձէ, ներողութիւն. մինչև չչոքես, Օհանին չես կարող հաւատացնել:

ՄԻՆԱՍ (չոքեց).— Ահնա: Հիմա հաւատում եմ:

ՕՀԱՆ.— Ձէ, խելքը գլխին գժերից է... Պարոն, դէ չոքելը չոքել էս, հէնց մի լաւ էլ աղօթք արն. հօ աղօթքից բացի օգտից մի մնաս չկայ... գուցէ Աստուած լսի աղօթքդ ու բանդ յաջողեցնի:

ՄԻՆԱՍ.— Հը՛, այդ էլ աչքիս վրա: (Սկսեց ա-  
ղօթել):

ՕՀԱՆ.— Տէ՛ր, դու լսես ասածը, բայց մէկն  
էլ է արակուսող չքցես, խեղճ է: (Գնաց միջի դռնով):

### Տ Ե Ս Ի Լ 3.

#### ՄԻՆԱՍ և ՆՈՏԱՐ

ՆՈՏԱՐ (միջի դռնով ուղեց մտնել, յետ կանգնեց):  
— Միթէ՞ իրօք նա խելագարվել է: Զարհուրելի է:  
(Հազեց իւր մասին ազդանշան տալով):

ՄԻՆԱՍ (առանց նրան տեսնելու): — Շան ծը-  
նունդ, դեռ չե՞ս կորել:

ՆՈՏԱՐ.— Ձէ, բանը վերջացած է... Մինայ  
Զախարիչ, Մինայ Զախարիչ... այդ ես եմ... նո-  
տար Տուպուռճիկեան...

ՄԻՆԱՍ (կարծեց եղբայրներէց է, դժվեց, ելաւ):—  
Ա, պառանւ, պառանւ... պառանւ կախարդ... (Նկա-  
տեց սխալը, փոխվեց): Հը՛... այդ դ՞նք էք, Անդրէյ  
Մակարիչ: Ներս համեցէք:

ՆՈՏԱՐ.— Ոչինչ, ոչինչ... ես հէնց...

ՄԻՆԱՍ.— Ինչո՞ւ չէք շնորհ բերում: Էհ, պա-  
ռաւեցինք, Անդրէյ Մակարիչ: Երբ փոքր էինք՝  
մեծ լինելու մասին էինք մտածում, պառաւել  
ենք՝ մանկութիւնն ենք յիշում:

ՆՈՏԱՐ.— Դդուք մմենանկ էք...

ՄԻՆԱՍ.— Այո, ի՞նչ կայ որ:

ՆՈՏԱՐ.— Ի՞նչ էիք անում...

ՄԻՆԱՍ.— Սովորական աղօթքս:

ՆՈՏԱՐ.—Բաւական է... ի՞նչ աղօթքի ժամանակ է... Ինչո՞ւ էք գլուխներդ կապել:

ՄԻՆԱՍ.—Գլուխս է ցաւում... սաստիկ ցուրտ է:

ՆՈՏԱՐ (կողմ):—Ձէ, բանը վերջացած է: Բայց հիմա ամառն է:

ՄԻՆԱՍ.—Իսկ իմ սենեակս կատարեալ սառցարան:

ՆՈՏԱՐ.—Փըուէ... ինչպէս էլ պատճառաբանում է:

ՄԻՆԱՍ.—Ինչո՞ւ չէք մօտենում:

ՆՈՏԱՐ.—Վ՛րջինչ... Իմ ձեզ համար զբած թուղթը ստորագրել տուի՞ք եղբայրներիդ:

ՄԻՆԱՍ.—Բայց դուք ինչո՞ւ էք վախենում...

ՆՈՏԱՐ.—Հըմ՛ը՛մ... ինչո՞ւ պիտի վախենամ...

ՄԻՆԱՍ.—Ձէ, ճշմարիտ... այդ ի՞նչ է դէմքներդ... վախեցնք երևի:

ՆՈՏԱՐ.—Ինչպէ՞ս էլ նկատում է... Ինչի՞ց պիտի վախենամ:

ՄԻՆԱՍ (մօտեցաւ):—Ապա ինչո՞ւ չէք գալիս խօսենք... համեցէք քիչ... (բռնեց նրան) եկէք խորհենք...

ՆՈՏԱՐ (բղաւեց):—Ա՛ն...

ՄԻՆԱՍ (քաշեց նրան առաջ):—Ախար ինչի՞ց էք վախենում, մանրդ:

ՆՈՏԱՐ (սաստիկ վախեցած):—Աստուած վկայ, չեմ վախենում և ինչի՞ց պիտի վախենայի, և ինչո՞ւ պիտի վախենայի, և ի՞նչ կայ վախենալու, և

ինձ ի՞նչ կը վայելի վախենալը... Օ՞ք, բայց թողեք, գործ ունեմ, կրկնակօշիկս հանեմ... գրական գնեմ դրսում... նամակ ունեմ... բան եմ մոռացել... (Աղասվեց): Վախենալն էլ խօսք է... (Փախաւ միջի դռնով):

ՄԻՆԱՍ.— Զո՞հ հո՞հ, այ քեզ բանն: Չլինի՞ թէ դոքթ ինձ մի բան է պատահել: Չէ, պէտք է խելքի գալ: Այդ ինչո՞ւ փախաւ խեղճը: Ես հօնրա մօտ խելագար չցոյց տուի ինձ: Չէ, երևի իսկ որ ինձ մի բան է պատահել. իսկ ես, յիմարըս, բանը հէնց կատակի եմ քցել: Կարող է պատահել, որ հէնց ես գժվելով էլ գժվեմ ու էլ խելքի չգամ: Մէկ էլ, եթէ ինձնում գժութեան հիմք չկայ, ինչպէ՞ս կարող եմ այդպէս լաւ գժվել: Զո՞հ հո՞հ... այ քեզ բանն...

### Տ Ե Ս Ի Լ Է.

#### ՄԻՆԱՍ և ՕՀԱՆ

ՕՀԱՆ (միջի դռնից գլուխը ցոյց տալով).— Պարոն, ճշմարիտն ասա՛. իմ գնալ-գալու վրա հօ էլի սատանիկներդ չէ՞ին շարժվել:

ՄԻՆԱՍ (վախեցած).— Ի՞նչ է... ինչո՞ւ ես էդպէս ապշած... չլինի՞ թէ մի բան ես նկատում:

ՕՀԱՆ.— Չէ, մի վախիլ... Էնպէս բան չկայ, լաւ ես երևում. միայն թէ ասում եմ, չլինի՞ թէ էլի միտքդ փոխված լինի:

**ՄԻՆԱՍ.**—Ձէ, միտքս չի փոխվել, Աստուած վկայ:

**ՕՀԱՆ.**—Դէ ուրեմն բանդ տես: Եղբայրներդ գալիս են... Ղուկասը գլխին խփելով «աղբեր վայ» է կանչում... իսկ Թոմասից... (ծոճրակը քորելով) խելքս բան չի կտրում:

**ՄԻՆԱՍ.**—Դու պէտք է ամեն հնար գործ դրես, որ թղթին ստորագրեն. լսում ե՞ս:

**ՕՀԱՆ.**—Միամիտ կաց. մի էնպէսի օձի լեզու բանեցնեմ, որ ձեռքիս մոմ շինեմ նրանց: Բայց դու էլ, պարոն, մարդավարի դժվիր, այ էսպէս: (Բեմի վրա վազվառեց, շրջան արաւ, ձի նման խրինջալով):

**ՄԻՆԱՍ.**—Էդ շատ լաւ էր. վարձիդ մասին միամիտ կաց: (Գնաց աջ):

**ՕՀԱՆ.**—Հը՛մ, ես քեզ ցոյց կը տամ թէ ինչ է նշանակում Օհանի ուսերը կծոտել. գլխիդ մի խաղ խաղամ, որ սուտ գժութիւնդ զորթի փոխվի: (Ձեանալով խեղճ սգաւոր)... Օ՛ օ՛...

## Յ Ե Ս Ի Լ 5.

**ՕՀԱՆ և միջի դռնից ԹՈՄԱՍ ու ՂՈՒԿԱՍ**

**ԹՈՄԱՍ** (անհող ծխելով, ձեռին փայտ):—Հը... ինչ ես սուգ հագել:

**ՂՈՒԿԱՍ.**—Որտե՞ղ է իմ սիրելի եղբայրս:



ՕՀԱՆ. —Յհ, մի հարցնէք. նոր շահ տես կատարել էր, ոտքս էլ խածեց:

ՂՈՒԿԱՍ.—Դէ ասան տուններս քանդվել է էլի:

ՕՀԱՆ.—Իրան տունն է քանդվել, ձեզ ի՞նչ է եղել. դուք հորէս, փառք Աստուծոյ, փորներդ կուշտ, ողջ-առողջ եկել էք տելեգրաֆի փայտի պէս առաջիս ցցվել:

ԹՈՄԱՍ.—Սրանք մնայ. որտեղ է հարսը:

ՕՀԱՆ.—Գնացել է սատանայ բռնող պառաւի մօտ:

ՂՈՒԿԱՍ.—Ախորժակը ի՞նչպէս է եղբօրս... այդ ասա:

ՕՀԱՆ.—Էհ, մի հարցնէք. շատ վատ: Առաւօտ էն գլխից 5—6 բաժակ քաղցր թէյ, 30—40 ձուրի թանախորով, մի էսքան (մեծ) խողի միս, մի էսքան էլ հաւի միս, տակից գլխից մի-մի կօնեակ, մինչև հանախաճաշիկ: Նախաճաշին էլ 3 բաժակ սուրճ, 4—5 կտոր տորդ, 7—8 կատլէտ, մի էսպէս երշիկի կտոր, տակից գլխից մի-մի կօնեակ, մինչև հան ճաշ: Ըճաշին էլ 2 շիշ գինի, 10 շամփուր սուկիի խորոված, 3—4 աման փլաւ, մէկ կաքաւ, 3—4 կտոր կարմիր ձուկ, 2 ֆունտ խնձոր, տակից գլխից մի-մի կօնեակ, մինչև հան երեկոյեան: Ընթրիքին էլ 2 շամայի, մի հատ ֆասեան, ֆունտ ու կէս աղանձած ֆիստակ, մի 2 շիշ գինի, կէս հնդկահաւ, տակից գլխից մի-մի կօնեակ, մինչև հան առաւօտ:

ԹՈՄԱՍ.—Նա որ էդքան է տրաքվում, ուրեմն էդ ցաւը կը մնայ նրա մէջ, մինչև հանսակելը: Թիւ էդպէս լափե՛լուն...

ՂՈՒԿԱՍ.—Այ տղայ, այդ սր օրից է... հա՛նօ կը տրաքվի միջից...

ՕՀԱՆ.—Ես էլ այն եմ ասում, որ դոնէ քաղաքը էժանութիւն կընկնի, թէ չէ՛՝ ձու չի ճարվում:

ԹՈՄԱՍ.—Հիմա տեսա՛ր, Ղուկաս, թէ ինչիցն է գժվել:

ՕՀԱՆ.—Էհ, հոգուդ մեղք մի անիլ, Թոմաս ապեր. իմ կարճ խելքովս, սուրբից պատահած բան է:

ՂՈՒԿԱՍ.—Եղբայրս վայ: Հիմի ի՞նչ անենք, Թոմաս:

ԹՈՄԱՍ.—Խորհուրդ կանենք, Ղուկաս, շտապելու բան չկայ:

ՕՀԱՆ.—Դէ դուք էք իմանում ձեր եղբայրը, էլ ես նրա տէրը չեմ... (Գնաց աջ դռնով):

## Տ Ե Ս Ի Լ 6.

### ԹՈՄԱՍ և ՂՈՒԿԱՍ

ՂՈՒԿԱՍ.—Դու բանը ուշացրո՛ւ, Թոմաս, դու հէնց ուշացրո՞ւուու...

ԹՈՄԱՍ.—Ախար մարդու գլխին ձի չի քացով տուել, ազգներումս չկայ, հրդեհից չի վախե-



ցել, տան վրա մարդ չի եկել, ոտքի տակ կամ  
մուրջ չի խորտակվել, զանգակատնից չեն ներքև  
գլորել, ախար ի՞նչ պատահեց նրան է:

ՂՈՒԿԱՍ.— Հերիք է, թումաս, թէ չէ, Աս-  
տուած վկայ, բանը այնտեղը կընացնես, որ վեր-  
ջը մեր մէջ կուի կըսպատահի:

### Տ Ե Ս Ի Լ 7.

#### ԹՈՄԱՍ, ՂՈՒԿԱՍ, ՕՀԱՆ և ՄԻՆԱՍ

(Սրանք մտան աջ դռնով):

ՕՀԱՆ.— Վա՛յ, վա՛յ...

ՄԻՆԱՍ (խրտնած կովի նման վազեցնում է նրան,  
բեմի վրա պտտեցնելով): Ֆֆֆը՛...

ՕՀԱՆ.— Վա՛յ, վա՛յ... վա՛յ ուսերս, վա՛յ: Ա՛յ  
ես ձեզ մատաղ, էդպէս էլ բան: Եղբայրն էք, ինչ  
հօրս ցաւն էք, եկէք ձեր եղբօրը տէրութիւն ա-  
րէք էլի՛... Ո՛ւուու... խրտնած գոմէշ...:

ՂՈՒԿԱՍ.— Իսկ սրան ի՞նչ կասես, թումաս...  
Եղբայրս վա՛յ...

ՄԻՆԱՍ (նստելով).— Հըրֆֆը՛... ո՞վ էք դուք:

ՂՈՒԿԱՍ.— Մենք ենք, Մինաս, լաւ մտիկ  
արա, եղբայրներդ ենք:

ՄԻՆԱՍ.— Հըրֆֆը՛... (Վեր նայեց): Պառա՛ւ, քո  
տունդ երկնային թագաւորը քանդի, ի՞նչ ես ու-  
զում ինձնից: Հ՞ը... թուղթը՞... Դէ թուղթը թուղթ  
է, թանաքը՝ թանաք, գրիչը՝ գրիչ... Դէ գրում

են՝ գրեն էլի: Ախ, սիրելի եղբայրներ, ուր էք, ուր էք...

ՂՈՒԿԱՍ.—Եղբայրդ քեզ մատաղ լինի, Մինաս ջան, այստեղ եմ, այստեղ, չեմ ճանաչում:

ՄԻՆԱՍ.—Ըբ՛մ... Ֆբ՛...

ՕՀԱՆ.—Մի մօտենալ, Ղուկաս ապեր, հիմա նրա կատաղելու ժամանակն է... քիթդ կըկծի:

ՂՈՒԿԱՍ.—Մինաս ջան:

ՄԻՆԱՍ.—Հբ՛ բբֆֆ...

ԹՈՄԱՍ (անհոգ նստել է):—Մի՞շտ էսպէս է, թէ՛ երբեմն փոխվում էլ է:

ՕՀԱՆ.—Փոխվում է, Թոմաս ապեր. երբեմն էջ է դառնում և էնպէս է դռում, որ քիչ է մնում ականջիս վարագոյրը պատուի: Երբեմն էլ ժամերով խոզ է դառնում ու մի գլուխ խնուտ-խուտ, խնուտ-խուտ:

ՄԻՆԱՍ (կողմ):—Ի՞նչ ստեր է փշում:

ՂՈՒԿԱՍ.—Քո շարը տանեմ, Մինաս ջան, սիրտդ ի՞նչ է ուզում:

ԹՈՄԱՍ.—Ի՞նչ պէտք է լինի. աշխարհքի բոլոր հարստութիւնը:

ՕՀԱՆ.—Էդ մէկը ճշմարիտ է, շատ ազան անիրաւն է:

ՂՈՒԿԱՍ.—Մինաս ջան... այ՛ ձեզ մատաղ... իսկի տեսէք ասածս հասկանո՞ւմ է:

ՕՀԱՆ.—Ես ձեզ մի բան ասեմ. կարելի է սրան կատաղած շուն է խածել: Բերենք թոկով

ոտ ու ձեռքը կապոտենք, տանենք սառցաջրի մէջ  
էնքան նստեցնենք, որ խելքը գլխին գայ:

ՂՈՒԿԱՍ (հրեց):—Մէկ էն կողմ կորիք է:

ՕՀԱՆ.—Մի բարկանաք: Կամ եկէք տկտ-  
րացնենք, բաղնիսից 2՝ քսակքսոզ բերենք, թաց  
կտաւները ոլորած ընկնեն էնքան տան էդ կող-  
քաճաղերին, որ խելքը տեղը հաւաքվի:

ՂՈՒԿԱՍ (աւելի պինդ հրեց նրան):—Տօ, ձայնդ  
կարիք, կորիք է:

ԹՈՄԱՍ.—Սպասիք, Ղուկաս, նա խելօք բան  
է ասում:

ՕՀԱՆ.—Պատմեմ ձեզ գլխիս եկածը: Մէկ  
օր գիւղում միտքս ծովեց. էլ չուզեցի բան անել:  
Արի, ասեցի, ինձ սուտ-սուտ գժութիւնի դնեմ.  
ասեցի ու արի: Յետոյ շատ դէս-դէն արին, բան  
չեղաւ: Վերջը գիւղի շուն-անիրաւ գզիրը հրա-  
մայեց՝ 4 տղամարդ գոմէշի ճիպոտներով ընկան,  
վրաս, ի՞նչ ես լակել թթու մածուն, էնքան տուին,  
էնքան տուին, որ ճարս կտրված ցեխ կերած շան  
նման փոշմանեցի, խելքի եկայ:

ՄԻՆԱՍ (կողմ):—Տեսնում էք անզգամին...

ԹՈՄԱՍ.—Ուրիշ հնար չկայ... պէտք է մի  
էդպէս բան փորձել...

ՂՈՒԿԱՍ.—Տօ, դու էս լակոտի (հրեց Օհանին)  
խելքով ուզում ես շան մէկը դայ քո մեծ եղբորդ  
մարմինն ճիպոտ խփի:

ՕՀԱՆ.—Դէ, տնաշէն, ես հօ չեմ ասում էդ  
ահագին պատուաւոր մարդուն հէնց շանստաակ ա-

նեն: Բանք կանենք կամանց-կամաց, կամանց-կամանց: Թոմաս ապեր, էլի դու ես բան հասկանում. դու թողք քցիք կոներին, ես գնամ շամփուրը տաքացնեմ:

ՄԻՆԱՍ (յարձակվեց Օհանի վրա, ձեռքով վազեցրեց):—Մալօ, մալօ, պառան:

ՕՀԱՆ.—Վանյ, վանյ: (Շածուկ): Այ մարդ, ցաւում է, հանդարտ:

ՄԻՆԱՍ (ծածուկ):—Իսկ դու ինչո՞ւ ես մոռացել թուղթը... Ի՞նչ սատանայական խորհուրդներ ես տալիս... պառան...

ՕՀԱՆ.—Պառաւը ես չեմ. պառաւը քո կնիկդ է, ես չեմ... (Ազատվեց): Էս բոպէիս ես կըզնամ պօլիցիային կըյայտնեմ, թող իսկոյն գան այս կատաղած շունին գժանոց տանեն:

ՄԻՆԱՍ (բղաւեց):—Սաշատուր, Սէչէտուր, Սըչրտուր...

ՕՀԱՆ.—Աչքներդ լոյս, հիմա էլ պառաւի ծամը բաց թողեց, Սաշատուրի պոչից բռնեց:

ՄԻՆԱՍ (նորից յարձակվեց նրա վրա և վազեցնելով, ծածուկ):—Ասան նրանց, թող ստորագրեն, ասան նրանց, թող ստորագրեն: (Փախաւ աջ):

### Տ Ե Ս Ի Լ 8.

#### ՕՀԱՆ, ԹՈՄԱՍ և ՂՈՒԿԱՍ

ՕՀԱՆ.—Օ՛խ, օ՛խ, օ՛խ... Աստծոյ սիրոյն, դուք լինէք էն էն էն սուրբ հայոց հացը: Մին

մօտեցէք էն թղթին, ազատեցէք նրան պատա-  
ղելի ունիւթը:

ԹՈՄԱՍ.— Խելքիդ ի՞նչ ես զօռ անում. մեր  
ձեռքին ի՞նչ կայ որ:

ՂՈՒԿԱՍ.— Ձէ, Թոմաս. դու ինչպէս կուզես,  
ես ոչինչ չեմ խնայիլ նրա համար:

ԹՈՄԱՍ.— Գիտե՞ս ինչ կայ, Ղուկաս... (Քաշեց  
մի կողմ փոփաւով):

ՕՀԱՆ (կողմ).— Էս բոլորէիս փոփկացնեմ: Թո-  
մաս ապեր, դու էլ մի քիչ խնամքի եկ, սիրտդ  
փոփկացրու. հօ տեանում էք մարդը ինչքան է  
ճարճաքին գալիս, մէկ էն թղթին ձեռք քաշէք:

ԹՈՄԱՍ (հրեց նրան).— Տօ, դու էլ ի՞նչ ես  
խանդարում է:

ՕՀԱՆ.— Թանկագին Թոմաս ապեր, ես քո  
ոտքիդ տակի հողը: Իսկական խելքի տոպրակ,  
բարի, քրիստոնեայ և օրհնված մարդ: Քո ամեն  
մի խօսքիցդ մարգարիտ է կաթում, և շարժմուն-  
քիցդ էլ երևում է, որ բռնել ես Աստծոյ սահ-  
մանած ուղիդ ճանապարհը և ճգնաւորի նման  
գնում ես... գնժում:

ԹՈՄԱՍ (հրեց նորից).— Տօ, ձեռք չես վերց-  
նելու: (Նորից փոփսոց):

ՕՀԱՆ.— Ախ, արքայութիւնի բաժին, անմեղ  
աղաւնի Թոմաս ապերս: Մենք ամենքս էսօր կանք,  
էզուց ոտքներս մեկնելու ենք, և չկայ մին մե-  
ռել, որին տանելուս ոտքերի տեղ գլուխը առաջ  
տանէին: Եւ ամենքս էլ ահեղ դատաստանի առաջ

տկլոր ենք լինելու կանգնած, այսինքն պատանը  
ուսնեքիս քցած, ինչպէս Ադամը դրախտի մէջ,  
որ մէկ քիթ սրբելու թաշկինակ էլ չունէր:

ԹՈՄԱՍ (նոյն):—Տօ, ի՞նչ ես տիղ դառել  
կպել պոչներիցս է:

ՂՈՒԿԱՍ.—Ես քո միտքդ չհասկացայ, Թո-  
մաս, չհասկացայ, չէ, չէ:

ԹՈՄԱՍ.—Իմ միտքս այն է, որ մեռնել կայ,  
ապրել կայ: Ասում են, Մաֆուսալան 900 տարի  
ապրեց. իհարկէ, կապրէր. մուրհակն էր բողոքի  
գնում, թէ՞ որդին էր Պետերբուրգից փող պա-  
հանջում:

ՂՈՒԿԱՍ.—Ոսկի եղբայրս ձեռքիցս գնում է,  
իսկ դու տես ինչի մասին ես խօսում: Եղբայրս  
վա՛յ:


ՕՀԱՆ.—Ախ, Ղուկաս ապեր, մի յանդիմա-  
նիլ նրան: Ես իմ Թոմաս ապերիս հողիի էն էն էն  
մէջն եմ ճանաչում: Նա կրփափկի, Աստուած  
վկայ, կրփափկի և կըղառնայ ինչպէս ձուից նոր  
դուրս եկած լըկոսի փմբուլ: Դու նրա էնպէս  
խօսելուն մի նայիլ, էս բոպէիս նրա սիրար խը-  
նամք կընկնի և նա կըսկսի մեզ ողորմել:

ՂՈՒԿԱՍ (հրեց նրան):—Դու էլ ի՞նչ ես ցան-  
ցառ-ցանցառ դուրս տալիս:

ՕՀԱՆ.—Թոմաս ապեր, փափկիւր, փափկիւր...

ԹՈՄԱՍ (հրեց):—Տօ մի խանգարիլ է. Տէր,  
մեղայ քեզ, Աստուած, հա՛: (Փսփսաց եղբօր հետ):

ՕՀԱՆ (կողմ):—Թիւ, քարի տղայ, քար: Մէկ



էլ փորձեմ: Թոմաս ապեր, դու լինես էն էն էն էն  
քո սրա-նրա առաջին կոտորովող կնկանդ արևը,  
մին կատարեցէք էն պառաւի հրամանը:

ԹՈՄԱՍ (հրեց նրան, նա ընկաւ ետքի վրա):—Տօ  
լիրբ, անպիտան, ինչպէս ես համարձակվում...  
ուզում ես ջարդեմ գլուխդ:

ՕՀԱՆ (սաստիկ բարկացած եկաւ ոտքի):—Ա՛յ ա-  
նաստուած, մէկ էն թղթին չէք մօտենալ՞ու. հօ  
ձեզ չի՞ ուտելու:

ԹՈՄԱՍ.—Ի՞նչ թուղթ է է... (Վերցրեց նայեց):  
Հը՛մ, դէ էդպէս ասա էլի: (Մինասը դիտում է աջ դըռ-  
նից): Ամբողջ օրինագիրքը անգիր գիտէ. ես չեմ  
ճանաչում իմ եղբօրը: (Ղուկասին): Ա,ս կարդա և  
հիացիր:

ՕՀԱՆ.—Ի՞նչ է դրած, Թոմաս ապեր: Չի՞  
լինիլ, որ մի գրիչ էլ դուք ճլվղտացնէք տակին,  
թէ ուրեմն՝ «յօժար եմ թղթիս—Ղուկաս, Թոմաս»:

ՂՈՒԿԱՍ (կարդաց, աչքերը չոեց):—«...որ ես բա-  
ժանված եղբայր եմ և իմ եղբայր Մինասից ոչինչ  
պահանջ չունեմ...»: Սա ի՞նչ բան է, տօ:

## Տ Ե Ս Ի Լ 9.

### ՕՀԱՆ, ԹՈՄԱՍ, ՂՈՒԿԱՍ և ՄԻՆԱՍ

ՄԻՆԱՍ (եկաւ աջ կողմից):—Խէչէտօր... Խը-  
չըտո՞ւր... Խաչատո՞ւր:

ԹՈՄԱՍ.—Մինաս, էդ ո՞ր Խաչատուրն է, էն,

որի ձին կերան, թէ՛ էն, որի տունը կլանեցիր:

ՄԻՆԱՍ (գնաց թոճասի վրա):—Սաչվէտօր, պանակ, Մակօ...

ԹՈՄԱՍ (անյողողող):—Լաւ, լաւ: Յետ քաշվիր, խելօք կաց:

ՕՀԱՆ (Մինասին ծածուկ):—Հէր օխնած, էդ Մակօն էլ սրտեղից հնարեցիր. գժվում ես, մարդավարի գժվիր էլի:

ՄԻՆԱՍ.—Երգիր ինձ հետ (բանեց նրան). բէ, բէ, բէ...

ՕՀԱՆ.—Բէ, բէ, բէ...

### Յ Ե Ս Ի Լ 10.

ՕՀԱՆ, ՂՈՒԿԱՍ, ԹՈՄԱՍ, ՄԻՆԱՍ և ԳԱՅԻԱՆԷ

ԳԱՅԻԱՆԷ (մտաւ միջի դռնից):—Այդ ի՞նչ է, էլի՞ սկսվել է: Մինաս ջան, Մինաս:

ՕՀԱՆ (ծածուկ քաշեց Գայանէին մի կողմը):—Աչքըդ լուսի, աղջիկ պարոն. հոգ մի անիլ և մի վախիլ—ալէլուիա. բանի միջից բան դուրս եկաւ—ալէլուիա. ոչինչ չկայ, շատ, շատ լաւ է և լաւ կուլի—ալէլուիա:

ԳԱՅԻԱՆԷ (հրեց նրան):—Դձու ինչ ցնդվեցիր: Մինաս ջան...

ՕՀԱՆ (նոյն):—Ուրախութեան ծամ է արդէն,



աղջիկ պարոն—ալէլուիա, և ցնծութեան, աղջիկ-  
պարոն, աւետիս: Չեզ և մեզ մեծ աւետիք—ալէ-  
լուիա. Ասածոյ սիրոյն հոգ մի անէք—ալէլուիա:

ԳԱՅԻԱՆԷ (հրեց նրան):—Տօ, դու էլ ի՞նչ խեղ-  
կատակութեան ժամանակ գտար է, մէկ կորիր է:

ՕՀԱՆ (նոյն):—Ողջ պատմութիւնը զիկն չար-  
ժի—ալէլուիա. չի կարելի ասել ըսնը—ալէլուիա.  
պինդ երգված եմ, Աստուած վկայ—ալէլուիա,  
ալէլուիա:

ԳԱՅԻԱՆԷ (հրեց):—Տօ, հեռացիր զլիսիցս,  
խե անիծած, է: Մինաս ջանն...

ՄԻՆԱՍ (աչքերին բաներ երեացին, խրինջաց և  
տրտինգ տուաւ):—Հի՛հի՛հի...

ԳԱՅԻԱՆԷ.—Մինաս ջան, աչքերիդ է երե-  
ւում. ի՞նչ պատահեց քեզ, ուչքի եկ:

ԹՈՄԱՍ.—Բան չունես, հարս. թո՛ղ մի քիչ  
մեզ ծիծաղացնի:

ԳԱՅԻԱՆԷ.—Թող դո՛ւ ընկնես նրա դրու-  
թեան մէջ, թո՛ղ քո կնիկը ինձ նման դոնէդուն  
ընկնի: Դուք էք նրան այդ օրի հասցրել (տաները  
խփեց գեանին), դո՛ւք, դո՛ւք, դո՛ւք:

ՕՀԱՆ.—Աղջիկ պարոն, սխալ ես. Թոմաս  
ասերը մի ուրիշ քաղցր մարդ է:

ԳԱՅԻԱՆԷ.—Դու ի՞նչ ես մէջ տեղ ընկել, յի-  
մար շուն (հրեց նրան):

ՕՀԱՆ (կողմ):—Տես, էս կնիկը մեր բոլոր  
պլանները քանդելու է: (Ծածուկ): Աղջիկ պարոն,

անց կաց միւս կողմ—ալէլուիա. բանի մէջը շատ  
մեծ բան կայ—ալէլուիա:

ԳԱՅԻԱՆԷ.—Մինաս ջան, խելքի ծով էիր,  
հիմա քեզ ի՞նչ պատահեց, 100 մարդկանց մէջ  
խելքով ամենից բարձր իմ Մինաս. կենդանի-կեն-  
դանի ինձ գերեզման գրիր, Մինաս. աչքերս կու-  
րանար, քեզ էս օրին չտեսնէի, Մինաս:

ՕՀԱՆ.—Հէրիք սրտներս քանդես, աղջիկ  
պարոն. ախար մենք էլ մարդ ենք: (Ծածուկ). Ես  
քեզ ասում եմ բերանս կապ է—ալէլուիա. եր-  
դում-կե-րած-եմ, չեմ կարող բերանս բացել—ա-  
լէլուիա. ոչ մի բանից մի վախենալ—ալէլուիա.  
Նրան խելքի բերելը ոչինչ բան է—ալէլուիա. որ  
ուրեմն թէ՛ սրանք բան չհասկանան—ալէլուիա:  
Թիւ, ես երդում հնարողի հէրն եմ անիծել հա:

ԳԱՅԻԱՆԷ.—Մինաս ջան... Մինաս...

ՂՈՒԿԱՍ.—Եզրայրս վնջ, եզրայրս վնջ...

ԹՈՄԱՍ.—Սպասեցէք, ես ձեզ մի բան եմ  
խնդրելու: Մինաս:

ՄԻՆԱՍ (թուս սեղանի վրա).—Մակօ, մակլա-  
կօ, մակլակակօ...

ԳԱՅԻԱՆԷ.—Վնջ, սիրտս գնաց. նա իւրան  
պատուհանից փողոց կըքցի, մի թողնէք:

ՂՈՒԿԱՍ.—Մինաս ջան: Այ տղայ, Օհան, մի  
թողնիլ:

ՕՀԱՆ (թուս սեղանի վրա).—Պարոն...

ԹՈՄԱՍ (ձեռի փայտով խփեց Օհանին).—Բնց

Թող, իջիր ներքև: (Օհանը բաց թողեց): Դէ, Մինաս, քցիր քեզ փողոց մէկ տեսնենք:

ՄԻՆԱՍ.—Թուղթը... (պզգեց) դէ գրում են գրեն էլի:

ԹՈՄԱՍ.—Լաւ, փեսա չունի. թղթի հետ մենք մին կերպ կանենք:

ՄԻՆԱՍ.—Հը, հը (գծի ուրախութիւն), մկօ, կակօ, մակօ...

ՂՈՒԿԱՍ.—Հէնց իմանաս այդ բանը նրան դուր եկաւ:

ՕՀԱՆ.—Ապա ես, որ էսքան գլուխս կոտրում եմ, ի՞նչ եմ ասում:

ԹՈՄԱՍ.—Մինաս, եթէ այս թուղթը ստորագրենք, խելքի կըրգան, թէ ոչ:

ՂՈՒԿԱՍ.—Մինաս ջան, խօսիր. էդ է, քիչ-քիչ խելքդ տուն է գալիս:

ՕՀԱՆ (ծածուկ).—Պարոն, նա քեզ ձեռք է քցում. աւելի լաւ է բանը հանաքի քցիր կորչի գնայ:

ՄԻՆԱՍ (ծածուկ).—Չայնդ կարիր, քիչ է մնացել: Մակօ, մակլակօ: (Այդ ասելով թռաւ ցած, բռնեց թոմասին ու Ղուկասին և մօտեցրեց թղթին): Մկօ, մկօ, մկօ...

ԳԱՅԻԱՆԷ.—Մինաս ջան... էլի սկսեց:

ՕՀԱՆ (թռաւ ցած, տարաւ Դայիանէին մի կողմ).— Աղջիկ պարոն, սիրտս ճաքեց... բանը այդ է որ... (սկսեց ծածուկ փախալ):

ԹՈՄԱՍ.—Դու ինձ ասան, Մինաս, սա ի՞նչ

Թուղթ է... դու մեզ յիմարացնել ես կամենում, թէ ինչ...

ՂՈՒԿԱՍ.—Մինաս ջան, դորթ, սա դձև ես գրել, թէ նոտարն է հնարել...

ԹՈՄԱՍ.—Ուրեմն քո միտքդ այն է, որ մենք ստորագրենք և չոր տափին մնանք. այո՞:

ՂՈՒԿԱՍ.—Թոժաս, արի, Տէրը իբան հետ, ստորագրենք գնայ:

ՄԻՆԱՍ (թռչկոտաց ուրախութիւնից).—Մկճ, մը-կճ, մկլմկո...

ԹՈՄԱՍ.—Ինչպէ՞ս չէ, թռչկոտիր, հէնց էդ է որ ստորագրեցիրք. ահանջիդ ետևը կըտես-նես, Մինաս:

ՄԻՆԱՍ (փոխիկց և գլուխը բացեց).—Ի՞նչ է պա-տահել:

ԹՈՄԱՍ.—Դժողք ու կրակ է պատահել գըլ-խիդ, այ թէ ինչ: Թիւ քո երեսին: (Գնաց միջի դռնով):

ՂՈՒԿԱՍ.—Այ ես քեզ մարդ ասողին ի՞նչ ասեմ... էլ բանը գլխիցդ կարվել էր: Թիւ քո երեսին: (Գնաց միջի դռնով):


ԳԱՅԻԱՆԷ (Օհանին).—Ճշմարիտ ես ասում... ի՞նչ թուղթ, ի՞նչ թուղթ: Առաւ, նայեց Մինասին ոտքերը գետնին խփելով: Տօ, օր ձերութեան էլ գըլ-խիցդ խայտառակութիւնը կտրվել էր: (Պատռոնց թուղթը և քցեց Մինասի երեսին): Ա՛ռ և, մնո՛ւ է: Թիւ քո երեսին: (Գնաց աջ):

ՄԻՆԱՍ.—Տօ, քեզ ո՞վ հրաման տուաւ, որ իմ գաղտնիքս յայտնես նրան...

ՕՀԱՆ.—Պարտոն... կկէնիկարմատ էր, խեղճըս եկաւ, լեզուս չհամբերեց... խխօսքը բբերանիցս դղուրս թթաւ... աղաչում եմ ներիւր ինձ... ամենքդ էսօր ձեծեցիք ինձ...

ՄԻՆԱՍ.—Այդ դեռ քիչ է քեզ, սուտ երդում ուտող: (Սկսեց ձեծել, վազեցնելով բեմի վրա): Այ քեզ, այ քեզ...

ՕՀԱՆ.—Ա՛... Սաշատո՛ւր, պառա՛ւ... Մակճ... մակլակճ... մակլակակճ... (մինչ վարագոյր):





Գին 1, 20 կողմ

Պանտար — Թիֆլիզի «Դու առնդեբդ» գրաֆանա.

Բարդու «Սուբուդնիկ»

